

Ammasumik ataatsimiinnermi oqaluuserisassat:

Imm.01 Oqaluuserisassat akuersissutigineri

Imm.02 Allaffeqarfimmiit paasisutissiineq

**Imm.3.1 Maniitsumi Sisimiunilu Teknikkimut, Pilersuinnermut Sanaartornermullu 2020-mi
novemberimut qaammammut nalunaarut**

**Imm.3.2 Sisimiuni Akiani KPT 39 najugaqarfissiami A30 sanaartorfissagissaanq, siunersuutitut
atugassaq sanaartorfissagissaanermilu akileeqaataassutissaq**

Imm.4 Naliginnaasunik soqanngilaq

Imm.5.1 Nunami nukissiuuteqarnermut aningaasaliinerni killiffik pillugu paasisutissiissut

Imm.5.2 Imeqarfimmi naajarpassuit pillugit apeqquteqaat

**Imm.5.3 Aalisarneq fabrikkeqarnerlu pillugit aamma Kangerlussuarmi umimmannik
iluaquteqarneq pillugu isumasioqatigiinneq**

Imm. 5.4 Kalaaliminerniarfimmi aningaasanik tingooraajunnaarneq pillungu

Imm. 06 Tamalaat

Ataatsimiinneq allartippoq nal. 14:00

Peqataasut:

Siumut

- Frederik Olsen
- Gedion Lyberth (Oqarasuaatikkut – Kangerlussuaq)
- Jens M. Lybeth (Oqarasuaatikkut – Kangaamiut)

Atassut

- Siverth K Heilmann (Oqarasuaatikkut – Maniitsoq)

Inuit Ataqtigüit

Axel Lund Olsen

Nalunaaruteqarlutik peqataanngitsut:

- Juliane Henningsen

Nalunaaruteqaratik peqataannginngitsut:

Imm. 01 Oqaluuserisassat akuersissutigineri

5.4 Kalaaliminerniarfik aningaasanngornik akiliisarneq pillungu immikkoortoq

Imm. 02 Allaffeqarfimmiit paasissutissiineq

Ulrik Lyberth, Maniitsoq, familiecenter suliaq ingerlaarpoq, puttasut qaqissammut qanittumi.

Kangaamiuni iliveqarfimmut aqqusinissaq pilersaarusioneqassasoq.

Aputaajaaneq pillungu naammangittaalliutit aallartereerput.

Hans-Ulrik Skifte, Sisimiut

Amerlumi sissat salinneqarneri. Wageningen University, Aalborg Universitet WWF-mit

peqataaffigineqartup Amerlup Kangerluani eqqakkanik misissuinerat rappoertinngorlugu ilisimatuut

inaarsarpaat. Ataatsimiinerup tulliani naatsorsuutigaarput paasissutissatut ilanngunneqassasoq. Aamma eqqaaneqarpoq ataatsimiinnermi matoqqasumi bussit kontrakt nutaanngitsoq ukioq ataaseq sivittorneqarnissaa sulissutigineqartoq. Ukiup aallartinnerani formandsbeslutning-eqassooq.

Ole Kreutzmann, Qatserisarfik. Ulapulaarsimanermut pilersaarut Naalakkersuinut ingerlanneqarnikuuvoq, tusarniaanerlu ingerlanneqarnikuulluni, kommunalbestyrelsemut ingerlanneqassooq. Aammalu atuartitaanermut ilinniartitsipput qatserisartut, aammalu corona pissutaalluni ilinniartitseqqinneq uninngangallarpoq. Beredskabstyrelsemiik aggersaaneq uninnikuuvoq, corona pissutaalluni. Atortut aningaasaliissutit malillungit nutarterput. Kangerlussuaq, Mittarfeqarfinnut isumaqatingiissuteqarput, akisussaaffillu Sisimiunut pisinneqarmat inerisaaneq Kangerlussuarmi ingerlaneqarpoq. Ukioq manna sirene siggartaatit piaartumik aaqiiffingineqartariaqarput Sisimiuni aammalu Maniitsumi, illoqarfimmi tamarmi tusaaneqasimasumik.

**Teknikkeqarnermut ataatsimiititaliap december-ip 1-ni 2020 ileqquusumik ataatsiminnera 09/2020
imaqarniliaq**

Imm. 3.1 Maniitsumi Sisimiunilu Teknikkimut Pilersuinermit Sanaartornermullu 2020-mi novemberimut qaammammut nalunaarut.

J.nr.: 06.01.02

2020-mi qaammammut nalunaarutip siuliani soorlu taamak pisoqarnikuusoq, ERP systemi suli iluatsivinngilaq, taamaattumik immikkoortut normuisa ilaannut missingersuutit allanneqanngillat. Taamaattorli missingersuut tamarmiisoq naatsorsorneqarnikuulluni. Nalunaarusiap matuma suliarineqarnerata nalaani atuiffiulersuinerit suliarineqartut malillugit atuineq 20.11.2020 ilanngullu naatsorsorneqarpoq, tassa imaappoq, uani qaammammut nalunaarummi novembarimi ikineqartut pingajorarterutiinnai ilanngunneqarnissaat angumerineqarsinnaasimavoq.

Otmman suli nalunaarusiornissamut isersinnaangimmat, nalunaarusiaq una ataatsimoorussamik suliarineqarpoq. Tamatuma saniatigut sanaartornermut suliniutinut nutaamik nalunaarusiortariaaseqalernissaq pilersaarutaavoq, tamannali qaqugu atuutilersinneqassanersoq maannakkut ilisimaneqanngilaq.

Nalunaarusiamut tunngatillugu eqqaavilerinermit, nunaminertanik atugassiinernut akiligassiissutit assigiinngitsut, eqqakkanut, ungasiaanit kiassarnermut il.il. siumoortuupput, ukiumullu nalunaaruteqarnermut atatillugu kisitsisit eqqortut ataatsimut isigalugu aatsaat pissarsiarineqassapput.

Sumiiffinnut marluusunut ERP-mut ikaarsaanermit, qarasaasiakkut nuutsitsissut kukkunernik imaqarsimammata aammalu akiliinissaq eqqarsaatigalugu akiligassiissutit annertuut tuaviortumik suliarineqarnikuusimmammata, ukiup ingerlanerani nalunaarsuinissamik pisariaqartitsisunik kukkulluni nalunaarsuisoqarsinnaanera naatsorsuutigineqartarsinnaasasoq ataatsimut atuuppoq.

Teknikkeqarnermut ataatsimiititaliami ataatsimoorussamik ingerlatsineq	2020-mut missingersuut	Nov-20	Piffissami atuineq katillugu	Naleqqiuss illuni Atuineq %- inngorlugu	Atuineq sinnerut toq %- inngorlugu
561010000 SIS Teknikkeqarneq Avatangiisillu Stab	6.431.000,00	-962.138,54	-962.138,54	-16%	115%
562040100 SIS Kalaalimineerniarfik - Qimatulivik		-73.112,75	-73.112,75		
562040200 SIS Entreprenørqarfik		-1.652,90	-1.652,90		
562040300 SIS Ikuallaavik	1.446.000,00	360.395,63	360.395,63	27%	75%
562040400 SIS Upalungaarsimaneq Qatserisartoqarfik	6.323.850,00	34.593,49	34.593,49	1%	99%
562040500 SIS Nunaminertamik atugassiineq		759.920,63	759.920,63		
562040600 SIS Sanaartornermut immikkoortorta	231.789.400,00	646.452,19	646.452,19	0%	100%
562040700 SIS Eqqagassalerineq/anartarfilerineq	-741.000,00	455.491,50	455.491,50	-67%	161%
562040800 SIS TEKNIKKIKKUT Ingerlatsineq	23.601.000,00	597.608,77	597.608,77	3%	97%
563010000 MAN Teknikkeqarneq Avatangiisillu Stab	3.300.000,00	5.703,46	5.703,46	0%	100%
563030100 MAN Kalaalimineerniarfik		40.387,27	40.387,27		
563030200 MAN Entreprenørqarfik		9.660,72	9.660,72		

4

**Teknikkeqarnermut ataatsimiititaliap december-ip 1-ni 2020 ileqquusumik ataatsiminnera 09/2020
imaqarniliaq**

563030300 MAN Ikuallaavik	2.324.000,00	-111.162,83	-111.162,83	-5%	105%
563030400 MAN Upalungaarsimaneq Qatserisartoqarfik	3.625.000,00	71.117,76	71.117,76	2%	98%
563030500 MAN Nunaminertamik atugassiineq		700,00	700,00		
563030600 MAN Sanaartornermut immikkoortorta	108.702.820,00	65.453,00	65.453,00	0%	100%
563030700 MAN Eqqagassalerineq/anartarfilerineq	415.000,00	298.246,97	298.246,97	78%	28%
563030800 MAN TEKNIKKIKKUT Ingerlatsineq	13.963.647,00	601.333,94	601.333,94	5%	96%
Kisitsisit pingaarnertit	401.180.717,00	2.798.998,31	2.798.998,31	1%	99%

Teknikkeqarfik: Sisimiut

Missingersuutit pingaarnertut naleqqupput, immikkoortortanili ataasiakkaani missingersuutit suli inissinneqanngillat. Tamanna Sisimiunut Maniitsumullu atuuppoq.

562040100 SIS Kalaalimineerniarfik - Qimatulivik

Kalaalimineerniarfimmu missingersuutit systemimut nutaamut suli ikkunneqanngillat.

Missingersuutissatulli atuinissamullu eqqarsaatigineqartunut atatillugu, sippuilluni atuisoqarsimanissaanik imaluunniit atuinikippallaarnissaanik takussutissaqanngilaq.

Ilanngussaq 1-imili kalaalimineerniarfiit ”tuniniaaviit”-tut allanneqarsimasut takuneqarsinnaapput, taakkulu SIS Ingerlatsineq teknikkikkut immikkoortortaanut missingersuuteqarlutik, tamannalu siuliani allassimasumut nassuiaataalluni.

562040200 SIS Entreprenøreqarfik

Immikkoortortaqqarfik Entreprenøreqarfiup iluani asfalteerineq, qimmiliviit, iliveqarfik, majuartateqarfik kiisalu qamutit motorillit inissisimapput. Ilanngussaq 1 innersuussutigalugu, immikkoortortat SIS Entreprenøreqarfik SIS TEKNIKKIKKUT Ingerlatsivik assigiinngitsunik missingersuuteqarlutik assigiimmik ”siunertamut taaguuteqartut”-nik imaqarput.

Immikkoortortanut missingersuutit immikkoortortanut arlalinnut inissinneqaratik, ataatsimut inissitsiterlugit piaartumik aqqiivigineqarnissaat ingerlanneqartariaqarput.

Asfaltilerinemili akiligassat ataasiakkaat suli nassiusuunneqanngillat, taakkuali nammineq sulianut tunngassuteqarput.

562040300 SIS Ikuallaavik

Ikuallaavimmu atatillugu, eqqagassanut akiliutitigut avataaniillu kissamik tunisinermit 6.45 mio.

koruunit missaanik isertitaqarnissaq naatsorsuutigineqarpoq. Ukiut siuliini misilittakkat atuinermi procentit annertuumik nikerarneri takutippaat. Ikuallaavimmit Nukissiorfiit avataanit kissamik tunisinissamut atatillugu ikuallaavimmit anguniagaq anguneqarsinnaanngitsoq naatsorsuutigineqarpoq - ukiuni kingullerni missingersuutit 75 %-it missaani inissisimanikuulluni.

Aningaasaqarnermut systemimi nutaami isertitat eqqortumik inissinneqarsimanersut ilisimaneqanngilaq. Aserorterummi motorimik taarsiinissami akiligassamik annertulaartumik qanittukkut takkuttoqassaaq.

562040400 SIS Upalungaarsimaneq

Atuineq ulloq 24-11-2020 ukiumut 87%. Isumaqatigiissutinik isumaqatiginninniarnernut naammassisunut aamma 2019-imi maajip aallaqqaataanoortunik namamassisut malitgisisaannik qaanngiuttoornertut tapitullu tunniunneqartunik akissarsianut nalimmassaarutinik annertuunik 2020-mi peqarnikuuvoq. Ilutigitillugu Kangerluarsuk Tullermik ikulannaq qaanngiuttoornersiassanik kingusissukkut

5

tunniussinermik malitseqarnikuuvoq. Tassunga atatillugu Sisimiuni Annaassiniarnermi Upalungaarsimasut ukiup siuliinut sanilliullugu amerlanerusunik annaassiniarnikuupput. Aningaasaqarnermut aqutsissummik nutaamik atuutsitsilernermi Annaassiniarnermi Upalungaasimasunut unammiillernartunik 2020 malitseqarsimavoq, aammalu aningaasaqarneq aqunnarlugu tamakkiisumik takusinnaajumallugu allanik atuiiffiulinernik nutsinernillu sulii ingerlapput.

562040500 SIS Nunaminertamik atugassiineq

Immikkoortortaq SIS Nunaminertamik atugassiineq siusinnerusukkut ingerlatsivimmi atuiiffik 2-p iluani atuiiffimmi inissisimanikuuvoq. Akiliutinit, containerinik attartornernit umiatsianillu inissiivinnit isertitat, immikkoortortap iluanut inissinneqartussatut atuuqput. Nunaminertanik atugassiinerit, containerinut inissiivissanik attartortitat kiisalu umiatsianut inissiivinnik attartornerit amerlassusaat atuinermut apequtaasarput.

562040700 SIS Eqqagassalerineq/anartarfilerineq

Eqqaavilerineq namminersortunut suliariumannittussarsiorneqarnikuuvoq. Suliassamut akiliineq atuiiffimmit tassanga pisarpoq kiisalu innuttaasunit suliffeqarfinniillu, kommunip imaartittarnermut aaqquissuusaanut ilanngunneqarsimasunit isertitat ilanngullugit. 2019-imi decembarip 31-ani entreprenørinik eqqagassanik anartarfinnillu imaarsisarnermut nutaamik isumaqatigiissuteqartoqarpoq, missingersuutitigullu iluarsisuteqartoqarearluni. Aningaasartuutit isertitallu akornanni missingersuutitigut oqimaqatigiittoqarnissaa naatsorsuutigineqarpoq. Eqqagassalerinermut anartarfilerinermullu imaarsisarnermut ingerlatsisumut akiligassat anillatsinneqartartut akilerneqartarneri nikingasuupput, taamaattumillu atuneq eqqunngitsumik takussutissiisararluni.

562040800 SIS TEKNIKKIKKUT Ingerlatsineq

562040200 SIS Entreprenøreqarfiup iluani allaaserineqartut innersuussutigalugit, immikkoortortat marluusut SIS Teknikkikkut Ingerlatsineq aamma SIS Entreprenøreqarfik arlalitsigut assingussuteqarput. Taakku siusinnerusukkut Winformatik-imi atuiiffik 2 – TEKNIK iluani ataatsimoortinneqarnikuupput. Ukiut sisamararterutaani siullermi aputaajaanermut pingaarnertut atuuqpoq. Ukiut siuliinut sanilliullugu ukiup sisamararterutaani siullermi annertunerusumik apisimanera patsisaalluni, missingersuutaasunit aputaajaanermut aputinillu katersanik assartuinermut aningaasartuutit annertunerupput. Ingerlatsinermut aqutsisut naatsorsuutigaat, maannakkut missingersuutaasutigut ukiup sisamararterutaata sisamaani ukiuunerani aqqusinernik aserfallatsaaliinerit ingerlateqqinneqarneratigut sippuilluni atuisoqalissasoq.

Teknikkeqarfik: Maniitsoq

563010000 MAN Teknikkeqarneq Avatangiisillu Stab

Teknikkikkut immikkoortortanut arlaqartunut atuiiffik nalunaarsuiffittut atorneqarnikuuvoq, matumani kommunip allaffianik ingerlatsineq, allaffissornermi atortut il.il. ilanngullugit. Atuiiffinnik tamanik nakkutilliineq 2020-mi suliarineqartoq aallartinneqarpoq.

563030100 MAN Kalaalimineerniarfik

Sisimiut assigaugit kalaalimineerniarfimmud missingersuutit systemimut nutaamut sulii ikkunneqanngillat. Missingersuutissatulli atuinissamullu eqqarsaatigineqartunut atatillugu, sippuilluni atuisoqarsimanissaanik imaluunniit atuinikippallaarnissaanik takussutissaqanngilaq.

Ilanngussaq 1-imili kalaalimineerniarfiit ”tuniniaaviit”-tut allanneqarsimasut takuneqarsinnaapput, taakkulu MAN Ingerlatsineq teknikkikkut immikkoortortaanut missingersuuteqarlutik, tamannalu siuliani allassimasumut nassuiaataalluni.

563030200 MAN Entreprenøreqarfik

Immikkoortortap Entreprenøreqarfiup ilaatigut isumagisaraa saligaatsuutitsineq, qamutit motorillit atortui aammalu atortut.

Atuiffinnik tamanik nakkutilliineq 2020-mi suliarineqartoq aallartinneqarpoq.

563030300 MAN Ikuallaavik

Immikkoortortap Ikuallaavik isumagisaraa eqqaavissuaq-. tigooraavik-, kommunip sannavia kiisalu ikuallaavik.

Atuiffinnik tamanik nakkutilliineq 2020-mi suliarineqartoq aallartinneqarpoq.

563030400 MAN Upalungaarsimaneq Qatserisartoqarfik

Atuineq ulloq 24-11-2020 ukiumut 83 %. Ukiut siuliinut sanilliullugu 2020-mi annaassiniarnerit amerlanerugaluartut akissarsiat qaffasissusaat pitsaasumik inissisimavoq, sulisunik allanngortiterilluni nussuineramik pissuteqartumik. Annaassiniarnermut Upalugaarsimanermi pisortap tulliaata atorfini taamaatinnikuvaa aammalu atorfik pingasoriarluni saqqmiiunneqareeraluartoq suli inuttalerneqanngilaq. Asserluinnaanik aningaasaqarnermik aqutsissumik nutaamut tunngatillugu Sisimiuni Annaassiniarluni Upalugaarsimasuni unammillernartitaqarnikuuvugut. Allanik atuiffiulinernik nutsinerillu ingerlasut tamakkiisumik takunnissinnaalersitsissapput.

563030700 MAN Eqqagassalerineq/anartarfilerineq

Eqqagassalerinerit akiligassiissutinik qaammatit pingasukkaartuuneri pissutigalugit atuiffik 563030700 qaammatinut pingasunut aningaasartuuteqartutut isikkoqarpoq, massakkorpiarli suli isertitanik ikkussisoqarsimanngilaq. Tamanna isumaqarpoq, atuineq qaffasissorujussuartut isigineqarsinnaasoq, tamannali novemberimut nalinginnaasuvuq.

563030800 MAN TEKNIKKIKKUT Ingerlatsineq

Teknikkikkut immikkoortortanut assigiinngitsunut, matumani kommunimik ingerlatsinerit, allaffissornermi atortunut nioqqutissanut aammalu nutarterinerit nukingernarsinnaasunut kukkusumik nalunaarsuisoqarsimanerit misissuiffigineqarnissaanut naatsorsuutigineqartunut ilanngullugu, atuiffik nalunaarsuiffittut atorneqarpoq.

**Teknikkeqarnermut ataatsimiititaliap december-ip 1-ni 2020 ileqquusumik ataatsiminnerna 09/2020
imaqarniliaq**

Sanaartornermut tunngasut: Sisimiut aamma Maniitsoq

Teknikkeqarnermut ataatsimiititaliami ataatsimoorussamik sanaartorneq	2020-mut missingersuut	Qaammatinik pingasukkaarineru p sisamaani atuiueq	Atuiueq nov. 2020	Piffissami atuiueq katillugu	Naleqqiuss illuni Atuiueq %-inngorlugu	Atuiueq sinnerut toq %-inngorlugu
562040600 SIS Sanaartornermut immikkoortortaq	231.789.400,00	5.470.871,64	646.452,19	646.452,19	0,30%	99,72%
010500 Qeqqata Kommunια Ataatsimoorussaq	56.051.864,00				0,00 %	100,00%
010580 Sisimiut	121.060.538,00	3.262.588,39	431.538,94	431.538,94	0,39%	99,64%
010581 Itilleq						
010582 Kangerlussuaq	44.601.998,00	1.041.617,25	41.617,25	41.617,25	0,10%	99,91%
010583 Sarfannguaq / Sarfannuguit	10.075.000,00	1.166.666,00	173.296,00	173.296,00	1,88%	98,28%
563030600 MAN Sanaartornermut immikkoortortaq	108.702.820,00	2.437.817,20	65.453,00	65.453,00	0,07%	99,94%
010500 Qeqqata Kommunια Ataatsimoorussaq	11.995.000,00				0,00 %	100,00%
010570 Maniitsoq	74.747.134,00	2.412.287,20	65.453,00	65.453,00	0,10%	99,91%
010571 Atammik	1.779.254,00				0,00 %	100,00%
010572 Napasq	935.189,00	25.530,00			0,00 %	100,00%
010573 Kangaamiut	19.246.243,00				0,00 %	100,00%
Kisisisit pingaernerit	340.492.220,00	7.908.688,84	711.905,19	711.905,19	0,23%	99,79%

Sisimiut:

Sisimiuni sanaartornermik immikkoortortami atuiunerup annikinnerna pissuteqarpoq, suliat ilai sulii suliaassanut pilersaarutitut ilaammata, entreprenørit kinguussaasimanerat ingammik nunamik- aamma Ruujorilerinermik-suliaassanik aammalu 2019-miit ATV-nut aqqummut aningaasanik annertuunik nuutsisoqarsimavoq, ilaannakortumik atornerqarsimasunik aammalu sanaartornermut pilersaaruteqanngitsunut inissianik sanaartornernut.

Kulturikkut illorsuarmik alliliinissaq aamma Kpt 39 sanaartorfissagissaaneq siunnersortimi suliniiummik inaarsaalluni ingerlanneqarpoq, puigortunngortunut immikkoortortamat pilersaarusionerq aallartinneqareerpoq.

Akiani meeqqerivissamat 4-mut sukassat sanaartorfiup qaanut katersuunneqaleruttortup.

Nikkorsuarni utoqqarnut inissianut quleriit aappaanni betorngilersuineq ingerlavoq.

Sarfannugani timersortarfimmut tamatigoortumik assaasoqareerpoq, qartiterisoqareerpoq, toqqaviliinissarluni ingerlanneqarluni.

Silap pisinnaatissinnaappagu Aqissilimmi aamma Mikkup eqqaani nutaanik kuffissualersuinermik sulineq ingerlaqqissaaq.

B8.2-mi sanaartorfissagissaaneq naammassisarneqarpoq, C14-imi sanaartorfissagissaanissamat entreprenørinut akikinnerpaamik neqerooruteqartunut isumaqatigiissut atsiorneqareerluni.

Kangerlussuarmi illu tamatigoortoq matuneqareerpoq, iluanilu qalipaaneq aallartinneqarluni.

Kangerlussuarmi utoqqarnut inissiat pillugit 2019-imi decembarip 17-iani AA-p aalajangiinerata allangortinneqarnissaanut, politikkikkut isummertoqarnissaa utaqqineqarpoq.

Maniitsoq:

Ungusivik: immikkoortoq 1 naammassivoq, inaarutaasumik narlorsaaneq kiisalu asfaltilerineq aasamut suliarineqassapput.

Annertusoq-Tunoqqusaq ikaartarfik: ilaannakortumik naammassineqarpoq, entreprenørit kinguaattooqqapput.

Illoqarfiup immikkoortortaanut nutaamut Avannamut Kangimut aqqusineq suli aallartinneqanngilaq, pilersaarusiornissamut tunngavissaq kiisalu Nukissiorfinnut isumaqatigiissut amigaatigineqarmata.

Sarfanut majuartaammut ilassutitut aningaasaliinissamut politikkikkut isummertoqarnissaa utaqqineqarpoq.

Maniitsumi Ilaqutariinnut Kiffartuussivissamut entreprenørimik isumaqatigiissummik atsiortoqareerpoq, sanaartornerlu qaartiterinermik aallartinneqareerluni.

Atuarfik Kilaaseeraq nutarterineq: Illu misissorneqareerpoq, nunaminertanik nalunaarsuineq aallartereerpoq.

Kangaamiuni atuarfimmik nutarterineq. Sanatitsisutut siunnersortimit illu misissorneqareerpoq, nunaminertamik pisariaqartitsinermut aammalu nutarsaanissamut pisariaqartitsinermut sanaartornissamut pilersaarutip nutarsarneqarnissaanut inississuineq aallartereerpoq.

Sulisunut inissiat aqqaneq marluk, tamakkiisumik entreprenørinik isumaqatigiissut atsiorneqarpoq kiisalu atugassatut siunnersuut suliarineqareerpoq.

Ivissuarni kuuffissuit nutaat. Immikkoortoq 1 naammassineqareerpoq, immikkoortoq 2 upernaamut aallartinneqassaaq.

Atammimmi aqqusinernik iluarsaassinermi atortussat tunniunneqarnissaat utaqqineqarpoq.

Inuussutissarsiornermut immikkoortumi nutaami qaartiterutaasivissamut aqqusinniorneq naammassivoq.

Kangaamiuni iliveqarfimmut aqqusinernik misissuineq - Siunnersortimik isumaqatigiissut atsiorneqarpoq.

Maniitsumi avannamut kimmuk kuuffissuarnik pilersaarusiorneq - Siunnersortimik isumaqatigiissut atsiorneqarpoq

Teknikkeqarnermut Avatangiisinullu immikkoortortamit Teknikkeqarnermut ataatsimiititaliamut innersuussutigineqarpoq:

Sisimiuni Teknikkeqarnermut, Pilersuinermit Sanaartornermullu 2020-mi novemberimut qaammammut nalunaarussiaq akuersissutigineqassasoq.

Aalajangiineq

Paasissutissatut tiguneqarpoq.

Ilanngussat

1. 2020-mi 20. november Ingerlatsinermik allaatigilluagaq
2. 2020-mi 20. november Sanaartornermut allaatigilluagaq

**Imm. 3.2 Sisimiuni Akiani KPT 39 najugaqarfissiami A30 sanaartorfissagissaanq,
siunersuutitut atugassaq sanaartorfissagissaanermilu akileeataassutissaq.**

Journal nr. 18.01.06. ERP-mik suliniut 500070.

Tunuliaqutaq

Akiani najugaarfissiamut A30 (siusinnerusukkut A25-mik taaneqartartoq) atuiffimi 77-08-10 maannakkut ERP-mik suliniut 500070 tassunga sanaartorfissagissaanermut Kommunillu pilersaarusionsiorfigineqarnerani tapiliussaqaarfimmik 25-mik suliaqarfioersumut aningaasanik sinaakkutissanik 4 mil. koruuninik inissiisoqarnikuuvoq. Siusinnerusukkut pilersaarutitut tunngavissaq tunngavigalugu 12.12.2018-imi siunnersortinut neqeroortitsisoqarpoq. KPT 25 malillugu sanaartorfissagissaaneq 21.5.2019-imi AA-mit akisuallaartutut nalilerneqarpoq, pilersaarutitullu tunngavissaq nutaaq suliarineqarluni. 2018. Byggemodning efter dette KPT 25 blev vurderet for dyr af ØU 21.5.2019 og nyt plangrundlag blev udarbejdet.

Kommunalbestyrelsep 28.8.2020-mi Kommunip pilersaarusionsiorfigineqarnerani tapiliussatut 39-tut najugaqarfissiamut A30-mut pilersaarutissatut tunngavissaq akuersissutigivaa. Pilersaarutitut tunngavissaq nutaaq malillugu sanaartorfissagissaanermut atugassatut siunnersuut siunnersortip nutarsarpaa, ilanngussaq 1.

Maleruagassatigut tunngavigisaq

Sanaartorfissagissaaneq kommunip suliassaraa. Pingaarnernut pilersuinnermut aqquatinik siaartiterinnermut aamma ammaloqiusatut attavinnik isumaqatigiissuteqarnikkut Nukissiorfinnit Telemiillu akiliuteqartoqarsinnaanera anguneqarsinnaavoq. Kommunip nammineq sanaartorfissagissaatitsinnerminut ilanngaattissat ilanngaatigereerlugit aningaasartuutissai sumiiffimmi sanaartorfissanut tamakkiisumik ilaannakortumilluunniit agguataarneqarsinnaapput. Maannammut Qeqqata kommuniani atuisut tamakkiisumik akiliisuusarput.

Sanaartorfissagissaaneq, pisortat kuuffeqarfinnut aqquersuutaat aamma pisortat aqquiniutaat pillugit Inatsisartut inatsisaat nr. 16, 17. november 2010-imeersoq Pilersaarusionsiorneq aamma nunaminertat atorneqartarnerat pillugit Inatsisartut inatsisaata nr. 17-p 17. november 2010-meersoq, 2015-imi decembarip qulingiluaani Inatsisartut inatsisaatigut allanngortinneqartukkut.

Pissutsit atuuttut

Immikkoortup ilaani A30.1-imi ilaqutariinnut ataatsinut illunut qulinut aammalu immikkoortup ilaani A.30.2 aamma A.30.3-mi qanittunik pukkitsunik inissianut 24-nut 25-nullu Kpt 39-mi immikkoortitaasunut sanaartorfissagissaaneq atugassatut siunnersuummi suliarineqarput. Sanaartorfissani katillugit 59-iusunut sanaartorfissagissaanermik ingerlatsineq ilanngaattissat ilanngaatigereerlugit kommunimut 5,958 mio. koruuninik akeqassasoq nalilerneqarpoq, takuuk Missiliuut C ilanngussaq 2. -overslag bilag 2.

Taanna ilanngaattissat ilanngaatigereerlugit kommunimut aningaasartuutissaq Nukissiorfiit akileeataassutissaannik 2,821 mio. koruuninik aamma Tele akileeataassutissaannik 0,475 mio. koruuninik naatsorsuutitaqarpoq. Maannakkut Tele-mit akissut pigineqartoq tassaavoq, akileeataassutissartik missingersuutiminni ilanngutissagaat.

Taamaalilluni sanaartorfissagissaanermik suliniut 500070 ingerlanneqarnissaanut aningaasanik sinaakkutissat 1,958 mio. koruunit amigaataaput.

**Teknikkeqarnermut ataatsimiititaliap december-ip 1-ni 2020 ileqquusumik ataatsimiinnera 09/2020
imaqarniliaq**

Atuilluarterup kingunerisinaasai

Bussit ingerlaarfiisa qanittuani inissianut sanaatorfissanik nutaanik pilersitsinermi attaveqaqatigiinnermik pitsanngueq piumaneqarnerussaaq. Illoqarfimmik eqiterussineq motorilinnik angallannermut annikinnerusumik pisariaqartitsinermik pilersuinermilu aqputinik pioreersunik atorluaneruneramik pilersitsissaaq.

Aningaasaqarnikkut allaffissornikkullu kingunerisinaasai

Nukissiorfiit akileeqataassutissaminnut akiliiumassanngippata, Nukissiorfiit imermut innaallagissamullu attaveqaataat suliniummit peerneqarsinnaapput, taamaalillunilu sanaatorfissagissaanermut aningaasartuutit kommunip akileeqataassutissaannaanut appartinneqarlutik. Suliniummut 500070-mut sanaatorfissagissaanissamut ingerlatsitsisinnaanermut amigaataasut 1,958 mio. koruunit suliniummit 500144-mit nuutsinneqarsinnaapput. Akiani KPT 19 naapertorlugu Suliniut 500144 Sanaatorfissagissaaneq C14/A26 13,691 mio. koruuninik aningaasatigut sinaakkusigaavoq. Immikkoortumi tassani sanaatorfissanik marlunni puigortunngortunik immikkoortortamik suliariumannittussarsiuussereernerup inisseereernerullu kingorna, missingersuutitut sinaakkutissamik taassuminnga 2 mio. koruunit missaaniittunik pisariaqartitsiunnaartoqarpoq, puigortunngortunut immikkoortortamut sanaatorfissat marluusut ataatsimut katinnerisigut aammalu ujaqqat atortussat suliniut 500066 B8.2 sanaatorfissagissarneqarneranit C14-imut tunniunneqarnerisigut sanaatorfissagissaanerup annertussussaa annikillisinneqarsinnaammat.

ERP-mi nuutsineq annertussusseqassaaq, 1000 koruuninngorlugu:

Ateq	Suliniut	Atuiffinnut allattuivik: immikkoortoq, siunertaq, suussusaa, sumiiffik	Aningaas.pilersinn.	Ilassut	Nutaamik aningaasaliineq
A30, KPT 39	500070	562040600, 0701030000, 122140765, 010580	4.000	1.958	5.958
C14-A26, KPT 19	500144	562040600, 0701030000, 122140765, 010580	13.691	-1.958	11.733
Katillugit			17.691	0	17.691

Kommunip sanaatorfissagissaanermut aningaasartuutaa 5,958 mio. koruuniusoq ilaqutariinnut ataatsinut illunut qulinut, kiisalu A30.2-mi (inissianut 24-nut periarfissalerlugu) aamma A30.3-mi (inissianut 25-nut periarfissalerlugu) uiguleriiaatut illutut ittutut piginneqatigiilluni inissiaatileqatigiiffinnut immikkuualuttunut tullinnguuttutut agguataarneqassaaq:

Ilaqutariinnut ataatsinut illunut sanaatorfissaq	Sanaatorfissaq ataasiugaangat 232.257 kr. (Sanaatorfissanut qulinut ataatsimut 2.322.570 kr.)
A30.2	1.682.513 kr. (m2-mut 667.7)
A30.3	1.952.917 kr. (m2-mut 667.7)
Katillugit	5.958.000 Kr.

Allaffeqarfiup naliliinera

Sisimiuni maannakkut ilaqutariinnut ataatsinut illunut sanaatorfissat pingasut missaannaaniimmata, ilaqutariinnut ataatsinut illunut sanaatorfissanik pinartumik pisariaqartitsisoqarpoq, aammalu ujartuisoqarlunilu ukiunut tallimanut nunaminertamik atugassiisoqartarpoq, taamaalilluni ilaqutariinnut ataatsinut illunut nutaamik sanaatorfissagissaanissaaq pisariaqarluinnarpoq.

A30-mi agguaqatigiisillugu sanaartorfissagissaanermut sanaartorfissamut ataatsimut akeq 101.000 koruuniuvoq, KPT 39 naapertorlugu inissianut katillugit 59-inut periariffisaqartumi appasilaartorujussuuvoq, agguaqatigiisitsillunili akip taassuma piumasaqaatitarivaa, sanaartorfissat tamakkerlutik qinnuteqarfigineqarnissaat aammalu ilaqutariinnut ataatsinut illut imaanut isikkivillit quliinnaangitsut. Uiguleriaanut 49-nut sanaartorfissat qinnuteqarfigineqanngippata, ilaqutariinnut ataatsinut kommunip aningaasartuutissavii imaassapput
- sanaartorfissaq 598.000 kr.

Taamaattumik A20-mi sanaartorfissat akigititap assinganik ilaqutariinnut ataatsinut illunut sanaartorfissat akilerneqarnissaat tulluartsuussasoq nalilerneqarpoq. A20.2-mi sanaartorfissanut pingasuusunut akinut aamma atuuppoq.

Aammattaaq A30.2-mi A30.3-milu sanaartorfissanut ilaatinneqartunut m2 malillugu aammalu sanaartorfissamut ataatsimuunngitsoq akia aalajangersarneqassasoq nalilerneqarpoq. m2-mut akeq pineqartillugu m2-mut sanaartorneq pineqartarpoq, imaappoq altanit, aneerasaartarfiit silataanilu majuartarfiit taakkununga ilaaneq ajorput.

Innersuussut

Teknikkeqarnermut ataatsimiititaliamut tamatumalu kingorna Aningaasaqarnermut ataatsimiititaliamut innersuussutigineqarpoq:

- atugassatut siunnersuummi 29.10.2020-meersumi allassimasutut Kommunip pilersaarusiortfigineqarnerani tapiliussami 39-mi sanaartorfissagissaanermik pilersaarusiortneq neqeroortitsinerlu ingerlatiinnarneqassasoq.

- eqitsimmi uani allassimasutut suliniummit 500114-imit 500070-imut 1,958 mio. koruuninik nuutsisoqassasoq.

- A30.1-imi sanaartorfissani ilaqutariinnut ataatsinut illunut quliusunut sanaartorfimmut ataatsimut 232.257 koruuninik sanaartorfissagissaanermut akileeqataassutissaq aalajangersarneqassasoq.

- immikkoortup ilaani A30.2-mi piginneqatigiilluni inissiatileqatigiiffinnut immikkuualuttunut sanaartorfissagissaanermut akileeqataassutissaq 1.682.513 koruuninut aalajangersarneqassasoq.

- Immikkoortup ilaani A30.3-mi piginneqatigiilluni inissiatileqatigiiffinnut immikkuualuttunut sanaartorfissagissaanermut akileeqataassutissaq 1.952.917 koruuninut aalajangersarneqassasoq.

- immikkoortup ilaani A20.2-mi sanaartorfissanut pingasuusunut sanaartorfissagissaanermi akileeqataassutissaq toqqavimmut ataatsimut 232.257 koruuninut aalajangersarneqassasoq.

Aalajangiineq

Inassuteqaatit akuersissutigineqarput.

Ilanngussat

1. Atugassatut siunnersuut 29.10.2020-meersoq Rambøll-imit suliarineqartoq pilersaarutitut titartagartalik.
2. Missiliuut C sanaartorfissagissaaneq Kpt 39 A30.

Imm. 5.1 Nunami nukissiuuteqarnermut aningaasaliinerni killiffik pillugu paasisutissiissut

Journalnr.25.01

Tunuliaqutaq

Teknikkeqarnermut ataatsimiititaliamut, aningaasaqarnermut ataatsimiititaliamut kommunalbestyrelsimullu 2020 aallartinnerani erngup nukinga atorlugu nukissiuuteqarnermi aningaasaliineq pillugu innersuussutitut immikkoortuunikuusumi una paasisutissiissut malinnaatitsineruvoq.

Innersussinermi immikkoortoq taaneqartoq erngup nukinga atorlugu nukissiuutini, nukimmik avatangiisinut akornutaanngitsumik pilersuisinnaanermut tunngatillugu ikuaallaavissat siunissami inissimanissaanik, kiisalu nukissamik avatangiisinut akornutaanngitsumik nunatta pilersorneqarsinnaaneranut sunniutilimik atortulersuutitigut suliniutinut avataanit aningaasaliisartunik qammaanissamik nunap aningaasaliineranik pingaarnersiuinermik tunngassuteqarneruvoq.

Inatsisartut aalajangiiffigisassaattut siunnersuut 153 Naalakkersuisut peqquneqarnissaat pillugu sulissutigeqqullugu erngup nukinganik iluaquteqarluni nukissiorfiliornissaq Qasigiannuanut aamma Aasiannut pilersuisussamik, aamma Nuup erngup nukinganik iluaquteqarluni pilersorneqarnerata annertusineqarnissaanik Inatsisartut aappassaaneerinninnerminni akuersissutigaat, ilaatigut tullinnguuttutigit maleruagassalerlugu:

- Inuiaqatigiinnut akilersinnaaneranut kingunissanik nalilersuinernit saqqummiussami ilitsersuut ilaatinneqassasoq, ernialersuineq ilanngullugu.
- Naalakkersuisut kingusinnerpaamik UKA 2020-mi aningaasalersuinissamut, ingerlatsinermut piginnittuunerlu ilanngullugit sanaartornissamut siunnersuummik saqqummiussaqaassasut, aamma taakkununga inatsisissartut tunngavissamik pisariaqartumik Naalakkersuisut aallartitsissasut.

Kingusinnerusukkut 2020-mi februaarip 27-ani kommunalbestyrelsip nalinginnaasumik ataatsimiinnerani 01/2020-mi Qeqqata Kommunian ilaatigut aalajangiinikuuvoq Naalakkersuisunut tullinnguuttutigit kissaateqarluni saaffiginnissuteqartoqassasoq:

- Naalakkersuisut EM 2019/153-imit Inatsisartunut aalajangiiffigisassatut siunnersuutaata akuerisaasup Maniitsup eqqaani erngup nukinganik nukissiorfimmik nalilersuinissamik ilaneqarnissaata salliutinneqarnissaa, taamaalilluni Maniitsup, Nuup kiisalu Aasiaat-Qasigiannugit eqqaanni erngup nukinga atorlugu nukissiorfinnik pingaarnersiuinermi tulleriaarineq Inatsisartut kingusinnerusukkut toqqarsinnaallugu ilutigitillugulu aamma assiigiimmik aalajangiinissamut tunngavissaq**arnissaq**.
- "Nukissamik pilersuineq pillugu Inatsisartut peqqussutaat nr. 14, 6. november 1997-imeersoq" allangortinneqarnissaanik inatsisissatut siunnersuut pillugu siunnersuummik saqqummiisoqassasoq, taamaalilluni Kalaallit Nunaanni nukissanut aqqutini attuumassuteqartuni inuussutissarsiornikkut orniginartuni nukissanik pisassanik pilersitsisoqarsinnaalluni, taamaalillutillu inatsimmi inuussutissarsiornikkut periarfissat atuilluartsuut eqqarsaatigineqassallutik.

Allaffeqarfiup juunip 18-iani tusarniaassumut atortut tiguai ukununga siunnersuuteqartut: "Sanaartugassanut, aningaasalersuinissanut erngup nukinganik iluaquteqarluni nukissiorfiit atortulersuutitallit Nuummik kiisalu Qasigiannuanik aamma Aasiannik pilersuisussamut killiliussat pillugit Inatsisartut inatsisaat nr. xx ulloq xx. xxx 2020-imeersoq" Allaffeqarfik tusarniaanermut akissummik naatsumik nassiussinikuuvoq, maannakkut paasisutissiissutiginartumik.

Namminersorlutik Oqartussaniit malitsigisaanit nalunaarutigineqarnikuuvoq, covid attuumassuteqartut aningaasaqarnikkut nuutsinerit pissutigalugit erngup nukinga atorlugu nukissiuutinut suliniutitik pilersaarutaasut unitsikkallarneqartut. Aammattaaq tusagassiutininnikuuvoq, Nuummi Ilulissanilu mittarfinnut pilersaarutinut ingerlasunut annertunerujussuarnik aningaasartuutininik takkuttoqarumaartoq, Namminersorlutik Oqartussat sanaartornermut suliaasa sinnerinut annertuumik artukkiisussanik.

Maleruagassatigut tunngavigisaaq

Kiassaateqarfinnik ingerlatsinermit aserfallatsaaliinermullu - kiisalu kiammik pilersuinermit Nukissiorfiit akisussaapput.

- Nukissiorfiit tunniussisarnermut piumasaqaataat
- Nukissamik pilersuineq pillugu Inatsisartut peqqussutaat nr. 14, 6. november 1997-imeersoq.
- TELE Greenland A/S-imut akuersissut pillugu Namminersornerullutik Oqartussat nalunaarutaat nr. 18, 22. november 1999-imeersoq
- Nalunaarasuartaatitigut atassuteqarneq nalunaarasuartaatitigullu kiffartuussinerit pillugit Inatsisartut inatsisaat nr. 31, 23. november 2017-imeersoq

Pissutsit atuuttut

Qeqqata Kommuniata kommunalbestyrelsanit aalajangiinerup qulaaniittup kingorna, Qeqqata Kommunia Namminersorlutik Oqartussanut allakkanik nassiussinikuuvoq.

Namminersorlutik Oqartussanit tusarniaanermut atortut Nuummi, aamma Qasigianniguit-Aasiaat erngup nukinga atorlugu nukissiuutinut inatsisissatut siunnersuutit taaneqartut pineqartunik suliaqarneq pillugu taamanikkut aalajangiinerup toqqaannartumik kingunerisaanik tiguneqarput, aammalu kommunalbestyrelsip saaffiginnisutaanut tulluarsaasinnaanermik sunniuteqaratik.

Ajunngitsussaq anguniarlugu, Qeqqata Kommuniata tusarniaanermut allakkatsigut akissutaa, Namminersorlutik Oqartussanut nalunaarutigineqaqqippoq, taamaalilluni Namminersorlutik Oqartussanut tusarniaanermi akissutitut isigineqassamat.

Nukissiorfiit 2020-mi aasap naalernerani/ukiakkut tusagassiutitigut nalunaarutinik nassiussaqaartarnikuuvoq, atuisunut akit qaffannissaannik kinguneqartussaasumut, erngup nukinga atorlugu nukissiorfinnik sanaartunginnissamat kingunissat pillugit. Taamaattorli Nukissiorfiit ugguuna <https://www.nukissiorfiit.gl/nyheder/praecisering-af-pressemeddelelse/> iluarsisuteqarluni oqariartuuteqarnikuuvoq, atuisunut akigittat qaffannissaat qaffanginnissaalluunniit pillugit Naalakkersuisut aalajangiisuususaasut, aamma Nuummi Sisimiunilu ikkuallaavissat peqataassapput, tassani erngup nukinga atorlugu nukissiorfittuulli assinganik nukissamik avatangiisinut akornutaanngitsutut isigineqassallutik.

Erngup nukinga atorlugu nukissiorfinnik kinguartitsineq, soorunami taamanikkut innersuussutitut immikkoortumi kommunalbestyrelsip siunnersuutiginikuusaanut, Namminersorlutik Oqartussanut Nukissiorfinnullu Maniitsumi erngup nukinga atorlugu nukissiorfimmu periarfissanut misissuinissamat piffissaqarnerulissapput. Maniitsup eqqaani erngup nukinga atorlugu nukissiorfik suliniutit sinnerinit malunnaatilimik akikinnerunissaa nalilernerqarmat nalunangilaq, misissueqqaarnernut sinneruttunik suliniutit siuarsarneqarnissaat pimoorullugu aallartinneqassasoq. Nukissiuutit avatangiisinut akornutaanngitsut pillugit Namminersorlutik Oqartussat paasissutissiissutitut aviisianni allassimavoq, Maniitsup eqqaani erngup nukinga atorlugu nukissiorfik pillugu misissueqqaarnerit siuarsimasorujussuusut. Misissueqqaarnernik naggasiinissami ingerlaavartumik politikkikkut naqittaassineq periarfissanik siuarsaassajunnarsivoq.

Qeqqata Kommuniata innersuussutigini kuusaa aamma ungasiaanit kiassarnermut aqquini attuumassutilinni nukissamik pisassanik eqqussinnermut tunngassuteqarpoq, tassani selskabet kissamik sinneqartoorutiminnik iluaqutaasumik ungasiaanit kiassarnermut aqquini pilersuisinnaallutik, taamaaliornikkut Nukissiorfiit namminneerlutik tunisassiaminnit nukissamik pisariaqartitsinerat apparsinnaallugu. Nukissamik pisassanik isumassarsiap qulakkeertussavaa, selskabet kissamik sinneqartoorutitik ingerlatsinnermut aningaasaqarnerminni isertitatut naatsorsorsinnaanerannut periarfissaqalernissaat inernerisussaallugu, Kalaallit Nunaanni aningaasaleerusussusaat annertunerulerluni. Ilutigitillugu pisortat tungaanniit nukissiornermut tunisassiornermut pisariaqartitsineq apparsarneqassaaq, tassani pisortat nukissiuutinik tunisassiornermut aningaasaliissutaat appasitsinneqarsinnaallutik, Kalaallit Nunaanni nukissamik avatangiisinut akornutanngitsumik sapinngisamik atuinissaq pillugu Namminersorlutik Oqartussat pingaarnertut anguniagaannik isumaqataannikkaluarluni.

Politikkikkut innersuussutaanikumi eqqartorneqarput, paasissutissanik centerit Kalaallit Nunaanni aningaasaliinissamut qanoq ussarsarsinnaanerannut tunngavissat arlallit. Tunngaviusumik periarfissat annertusigaluttuinnarput, internetsimut atortulersuutit silaannarsuakkooraluttuinnarneratigut nalinginnaaleraluttuinnarluni, tassani imaatigut nunakkullu internetsikkut aqquiti sunnertiasut nutaanngilisullu killilerujussuarnik pinngitsuuisinaanerup Kalaallit Nunaat aningaasaliiffissatut periarfissatut manna tikillugu kittoraqqanikuullugu. Maannakkut internetsimut satellitsit 800 sinnerlugit silaannarsuarmi kaaviiarput, aammalu qaammammut internetsimut satellitsit 60 missaaniittut silaannarsuarmut aallartinneqartarlutik. Taamaaliortut annerpaattaasa ilagivaat SpaceX aammlau taakku Starlink-imik suliniutaat, uani <https://www.spacex.com/launches/malinnaavigineqarsinnaasoq>.

Atuilluartuunerup kingunerisinaasai

Nunarsuaq tamakkerlugu isigissagaanni, sunniuteqarnissamut pingaaruteqarpoq nunat tamarmik silaannarmut pitsaasumik suliniuteqarsinnaassasut, Kalaallit Nunaallu sunniuteqataassinnaavoq nukissiornikkut inatsisit atuutilersitalu, nunap iluani nunallu avataani pisariaqartitat malillugit tulluarsarneqarsinnaappata. Tamanna pisinnaavoq nunap iluani nunarsuarlu tamakkerlugu suliffeqarfinnut aningaasatigut silaannarmullu pitsaasunik suliniuteqarnermik kajumissaarinnikkut. Kalaallit Nunaat 100 procentimik minguitsumik nukissiuuteqarneq pilersorsinnaaleraluarpuunniit, nunarsuaq tamakkerlugu isigissagaanni annikitsuaqqamik sunniuteqartussaavoq, tamannali allannguuteqarsinnaavoq Kalaallit Nunaat suliffeqarfinnik nunanit allameersunit ikummatissat uuliamersut aamarsuarneersullu atuisuniit allaanerusunik periusissarsiorlutik soqutiginnilersitsisinaappat. Sulifeqarfiit tamakku minguitsumik nukissiormissaq taassumalu atuisuinik atorneqarnissaa pisariaqartippaat, aammalu suliffeqarfiit ingerlatsinnermut aningaasaqarneranni qitiusumik atuuteqartuussasoq.

Aningaasaqarnikkut allaffissornikkullu kingunerisinaasai

Erngup nukinga atorlugu nukissiorfinnik innaallagissiorfinnillu atuisunullu toqqaannartumik kommuni ataasiakkaat ingerlatsisuunatillu tuniniaasuunngimmata, aningaasaqarnikkut atugassanut kommuninut ataasiakkaanut toqqaannartumik aningaasaqarnikkut kingunissaqanngilaq. Taamaattorli Nukissiorfiit Namminersorlutillu Oqartussat aningaasaliissuteqarput, tassanngaanniillu atuisunut akigititanut kinguneqarluni, atuisutut kommuninut toqqaannartuunngitsumik kinguneqarluni, tassanngaanniillu aamma innuttarisaanut. Tamakku KB-ip immikkortumik suliarinninnerani kingullermi aamma kommunip Namminersorlutik Oqartussanut allagaqaataani nassuiarluarneqarnikuupput.

Siunissami kommunit ataatsimoorullugu pigissassaanni maanna qularnanngitsumik Sisimiuni Nuummilu Nukissiorfiit ungasiaanik kiassarnermut aqqutaannik kissamik pilersitsinissamut nukissiorfittut avatangiisinut akornutaanngitsutut isigineqalernissaata malitsigissavaa, kommunit eqqagassanik sulaiqarnermut ingerlatsinermit aningaasartuutaat ataatsimut appariaateqassasut. Esani A/S nammineq ikuallaavissani pillugu sanaartornissanut periarfissiinissamik nammineq suliaqarnikuullunilu ingerlatsinermit missingersuutink siunissamut qulakkeerinninnikuuvoq.

Qulaani taakkartorneqartoq satellitsimik aallaavilimmik internetsimut teknologi nunarsuarmi sumiiffiit ilaanni atorineqalereerpoq, kingusinnerusukkullu nunarsuaq tamakkerlugu atorineqarsinnaallissalluni. Siunissap qanittup iluani nunarsuaq tamakkerlugu internetsimik tuniniaasartut qularnanngitsumik nuna tamakkerlugu tuniniaasartunut sanilliullugu atuisut tungaanniit toqqaanissamik periarfissaqarnerulersitsissapput, taamaattorli Kalalallit Nunaannut/Nunaanniillu telemit sullinneqarnermi Namminersorlutik Oqartussat kisermaassisuunerat pissutaalluni unammillernartoqatitsillutik. Naalakkersuisulli Nalunaarasuartaatitigut atassuteqarneq nalunaarasuartaatitigullu kiffartuussinerit pillugit Inatsisartut inatsisaat nr. 31, 23. november 2017-imeersumik aallaavilimmik ammanerulernissaq pillugu aalajangiissinnaapput. Nunarsuaq tamakkerlugu tuniniaasooq OneWeb ukiuni arlalinngortuni Nuummi stationimik pilersitsinissamik ingerlatsinikuuvoq. Qanorluunniit pisoqaraluarpat Kalaallit Nunaanni paasissutissanut centerinut periarfissat piffissap ingerlanerani annertusigaluttuinnartussaapput.

Allaffeqarfiup naliliinera

Maniitsup eqqaani erngup nukinga atorlugu nukissiorfimmik aningaasaliinissaq pillugu silatusaarnerusoq qulaani pissutsit suli oqariartorput, tassani 2020 aallartinnerani kommunalbestyrelsimut sammisaq taanna pillugu innersuussuteqarnermiit periarfissat annertunerulernikuullutik.

Qeqqata Kommuniata siusinnerusukkut Namminersorlutik Oqartussat Kalaallit Nunaanni erngup nukinganik atuinikkut nukissiorfeqarnissamut aningaasaliissuteqarnissaannik saaffiginnissutaa atuilluartaunikkut nukissiornermik tunngaveqarpoq. Erngup nukinga atorlugu nukissiorfinnik sumiiffinni assigiinngitsuni aningaasaliinissaq, aammalu Nukissiuuteqarneq pillugu nuna tamakkerlugu pilersaarut/Namminersorlutik Oqartussat nukissiuuteqarneq pillugu politikikkut anguniagai pillugit sumiiffinni nunalu tamakkerlugu sulifeqarfinni anguniagaqarnermi sunniuteqaqataasinnaanerat.

Innersuussut

Teknikkimut Avatangiisinullu immikkoortortap Teknikkimut Avatangiisinullu ataatsimiititaliamut, kingusinnerusukkullu aningaasaqarnermut ataatsimiititaliamut kiisalu kommunalbestyrelsimut akuereqqullugu innersuussutigaa:

Paasissutissiissut tusaatissatut tiguneqassasoq.

Aalajangiineq:

Paasissutissiissut tusaatissatut tiguneqarpoq.

Ilanngussat:

Imm. 5.2 Imeqarfimmi naajarpassuit pillugit apeqquteqaat

Journal nr. 81.04.03.01

Tunuliaqutaq

Maniitsumi imeqarfimmi naajarpassuit pillugit ataatsimiititaliami ilaasortaq Gedion Lyberth apeqquteqaateqarpoq. Ilanngussaq 1 takujuk.

Maleruagassatigut tunngavissat

Avatangiisit innarlitsaaliorneqarnissaanik Inatsisartut inatsisaat nr. 9, 22. November 2011-meersoq. Imeqarfissatut isumalluutininik mingutsitsinaveersaarnissaq imerineqartussamillu imeqarfiliorneq pillugit Namminersornerullutik Oqartussat nalunaarutaat nr. 9, 15. April 1993-meersoq. Erngup imigassap pitsaassusia aamma imermik pilersuiviit nakkutigineqarnerat pillugit Namminersornerullutik oqartussat nalunaarutaat nr. 7, 17. Marts 2008-meersoq. Kommuni imeqarfiup killeqarfianik nakkutilliisussaataavoq aammalu sumiiffimmi oqartussaasuulluni.

Pissutsit atuuttut

Imeqarfik 1-imi naajarpassuaqarnera nakkutilliisut Nukissiorfiit-meersut ilisimallugu akissuteqarnerminni paasissutissiisutigaat. Tamannalu nunatsinni illoqarfinni arlalinni ajornartorsiutaasoq nalunaarutigineqarpoq.

Imeqarfik 1-i Maniitsumi illoqarfimmut qanittumiittoq imeqarfittut pingaarnertut pilersuiffittut atorunnaarsimasoq akissummittaaq atuarneqarsinnaavoq, tassa imeqarfik 2-tut taaneqartartoq sarfanut sisorariarnermi aqqusaarneqartartoq imermik pingaarnertut pilersuiffittut 2019-imi atuutilersinneqarsimammat, taassanilu naajanik ajornartorsiuteqarneranik nalunaaruteqartoqarsimanngilaq.

Nukissiorfinniik paasissutissiisutigineqarpoq imermik suliarineqarnikuunngitsumit misiliinerit takutikkaat coliforme bakterianik imeq akoqartoq taakkulu ilaatigut naajaninngaanneersinnaasut, ilanngussaq 3 takujuk. Kisiannili imip salinneqarneratigut bakteriat peerneqartartut akissummi takuneqarsinnaavoq, taamaalilluni saligaatsumik imeqarnissaq Nukissiorfinniik qulakkeerneqartarluni. Ilanngussaq 2 takujuk.

Atuilluartuunissakkut kingunerisinnaasai

Imermik pilersuiffiup paarilluarnissaa atuilluarnervuvoq, innuttaasut peqqissusaat kiisalu suliffeqarfiit inuussutissalerisut eqqarsaatigalugit.

Aningaasaqarnikkut allaffissornikkullu kingunerisinnaasai

Soqanngilaq.

Allaffeqarfiup naliliinera

Nukissiorfiit imeqarfimmi naajaqartarnera ilisimavaat. Imeq nakkutigineqarpoq salinneqartarlunilu illoqarfimmut imermik minguitsumik pilersuineq taamaalilluni qulakkeerneqarluni.

Taamaakkaluartoq naajarpassuit imeqarfik 1-imi ataatsimoortartut peersinniarlugit kommunimi qimminik toqoraasartoq imeqarfiup eqqaani eqqartinneqartarnissaa siunnersuutigineqartoq aasamut imeqarfik 1 sikueruppat ingerlanneqartassaaq.

Innersuussut

Teknikkimut Avatangiisinullu immikkoortortap Teknikkimu Avatangiisinullu ataatsimiititaliamut akuereqqullugu innersuussutigaa,

Ilisimatitsissut tusaatissatut tiguneqassasoq.

Aalajangiineq

Qeqqata nittartangaa atorlungu paasissutissiineq innuttaasunut saqqummiunneqartariaqarpoq. Manitsumi innuttasut ilisimatinneqassapput, nassuujaatit tusaatissatut tinguneqarpoq.

Ilanngussat

1. Gedion Lyberth-imit apeqquteqaat.
2. Nukissiorfinniit akissuteqaat.
3. Imerkik misissuinerup inernera.

Imm.5.3 Aalisarnej fabrikkeqarnerlu pillugit aamma Kangerlussuarmi umimmannik iluaquteqarnej pillugu isumasioqatigiinneq

Journal nr. 72.00

Tunuliaqutaa

Aalisarnej Piniarnej Nunaqarfiillu pillugit Ataatsimiititaliap ulloq 26. Marts 2019 ataatsimiinnerani Jakob Olsen-ip siunnersuutigaa Qeqqata Kommuniani aalisarnej piniarnerlu pillugit isumasioqatigiittoqarnissaanik periarfissiisoqarnissaa.

Ataatsimiititaliap ulloq 25. juni 2019 ataatsimiinnermini aalajangiivoq ataatsimiinnermut tullermut atorfilittanit misissorneqassasoq Aalisarnej piniarnerlu pillugit isumasioqatigiittoqarnissaanik atorfissaqartitsisoqarnersoq.

Kommunimi aalisartut piniartullu peqatigiiffiisa isumasioqatigiittoqarnissaanik kissaateqarlutik oqariartuutigimmassuk aalisarnermik inuussutissarsuteqarnermik ingerlataqartunut, fabrikkinit tunitsivinnut, takornariaqarnermik ingerlatsisunut, politikerinit, atorfilittanut aamma sunngiffimmi pinaluttartunut kommuni qaaqqusummik nassitsivoq isumasioqatigiinnissamut ulluni 13. aamma 14. Oktober 2020 ingerlanneqartussamut.

Isumasioqatigiinneq avinneqarpoq taamaalillugu ulloq siulleq aalisarnermut fabrikkeqarnernullu tunngasoq ingerlanneqarluni ullullu aappaani Kangerlussuarmi umimmannik iluaquteqarnermut tunngasoq ingerlanneqarluni.

Pissutsit piviusut:

Allattoqarfiup misissuinermini aalisartut piniartullu peqatigiiffiinit allakkat tusarniutit nassiuppai taakkunani apeqqutigineqarluni isumasioqatigiinneq atorfissaqartinneqarnersoq taamaassappallu qinnuvigineqarput isumasioqatigiinnermi suut eqqartorneqassasut, sammineqassasut, siunnersuuteqaqqullugit.

Program-i suliarineqarpoq inuussutissarsiummi ingerlataqartuniit isumasioqatigiinnermi eqqartorneqartussatut siunnersuutit takkuttut tunngavigalugit.

Aningaasaqarnermut ataatsimiititaliap ulloq 16. juni 2020 ataatsimiinnerani Sisimiuni ingerlanneqartussamut isumasioqatigiinnissamut, kommunimi illoqarfinniit nunaqarfinniillu peqataaffigineqartussamut, aningaasat 153.000 kr. immikkoortinneqarput.

Isumasioqatigiinnermi imaqarniliat ilanngunneqarput.

Isumasioqatigiinnermi naggataarutaasumik oqaaseqarnermi Teknikkeqarnermut ataatsimiititaliap siulittaasuanit nalunaarutigineqarpoq ataatsimiititaliamik suligasuartussamik (ad hoc udvalg-imik) toqqaasoqassasoq isumasioqatigiinnermi suliakkiissutinik Teknikkeqarnermut ataatsimiititaliamut taamatullu aamma Kommunalbestyrelsemut ingerlatitseqqittussamik.

Allattoqarfiup naliliinera

Isumasioqatigiinnermi saqqummiinerit kingornatigut eqimattat sulitinneqarput aalisarnermik piniarnermillu inuussutissarsiteqartunit, fabrikkinit tunitsivinnit, takornarialerisunit, politikerinit, atorfilittanit aamma sunngiffimmi pinaluttartunnit peqataaffigineqarlutik.

Qeqqata Kommuniata nassuerutigivaa aalisarnermik inuutissarsiteqarnermi, fabrikkeqarnermi

20

aammalu umimmannik iluaquteqarnermi ajornartorsiutinik peqartoq. Allattoqarfiup nalilerpaa isumasioqatigiinneq tikkuussisoq suut ajornartorsiutaanerannik qanorlu qaangerniarneqarsinnaanerannik. Allattoqarfiup nalilerpaa siunnersutigalugulu Ataatsimiititaliaq suligassuurtussap (ad hoc udvalg) pilersinneqarnissaa Ataatsimiititaliamit akuersissutigineqassasoq. Taamalilluni ataatsimiititaliaq suligassuurtussaq isumasioqatigiinnermit suliakkiissutaasut suliaralugit aallartissinnaalissammat.

Allattoqarfiup inassuteqaataa.

Inassutigineqarpoq ataatsimiititaliaq suligassuurtussaq, ad hoc udvalg, pilersinneqarnissaa inuttassaalu Teknikkeqarnermut ataatsimiititaliamit akuersissutigineqassasoq, taamaalilluni isumasioqatigiinnermit suliasat tassani suliarineqalissammata teknikkeqarnermut ataatsimiititaliamut Komunalbestyrelsimullu apuunneqartassallutik.

Aalajangiineq

9. december 2020-mut tusarniaaneq killeqarpoq. Tusarniaanermi ataatsimiititaliaq isumasioqatiinnermilu innersuussutit aallaavigalugit siulittaasoq tusarniaanermut peqataasariaqarpoq

Isumasioqatingiinnerup kingunerisaanik piniarfik nr. 3 aappaangu matoqqatinneqarnissaa, naalakkersuisunut qinnutingineqassasoq.

Piniarfik nr. 5 ammaanqarnissaa kissaatingineqarpoq, transportkorridor-imik sulissuteqarnissaq inassutigineqarpoq.

Isumasioqatigiinnermut malitseqartitsisumik iliuusissanut Teknikkimut ataatsimiisitaliamiik Frederik Olsen aamma Jens M. Lyberth peqataatinneqassapput, allaffeqarfik nammineq toqqaanissamut akuerisaavoq.

Ilanngussat:

1. Aalisarnek fabrikkeqarnerlu pillugit isumasioqatigiinnermit imaqarniliaq
2. Kangerlussuarmi umimmanik iluaquteqarnek pillugu isumasioqatigiinnermit imaqarniliaq

Imm.5.4 Kalaaliminerniarfimmi aningaasanik tingooraajunnaarnej pillungu.

Journal nr.

Sisimiuni aamma Maniitsumi kortiinnarmik akileeeqqusilersimanagerup kingunerisaanik pensionisiallit pisisinnaajunnarsimanagerat naammangittaalliutaavoq. Ilaasortat tamarmik isumaqatingaat aningaasanik akiliisinnaaneq kalaaliminerniarfimmi piaartumik atuuleqqittariaqartoq, inatsisitigullu sutigut toqqammaveqarnera ujartorlugu.

Imm.06 Tamalaat

2021-mi ataatsimiiffissat siunnersuutit nassiunneqassapput.

Ataatsimiinneq naavoq nal. 15:21